

UPRAVA DRUŠTVA

Broj: U.D-01-3.2-4251/18
Sarajevo, 07.03.2018. godine

Na osnovu člana 45. Statuta, člana 70. stav (3) Zakona o javnim nabavkama BiH ("Službeni glasnik BiH" broj: 39/14), člana 14. stav (2) Pravilnika o javnim nabavkama i preporuke Komisije za nabavku usluge održavanja higijene u objektima Društva, broj: 07.4-13.73-19925-18/17, od 06.03.2018. godine, Uprava Društva na 145. elektronskoj sjednici održanoj dana 07.03.2018.godine, d o n o s i:

**ODLUKU
O IZBORU NAJPOVOLJNIJEG PONUĐAČA****I**

Ovom Odlukom vrši se izbor najpovoljnijeg ponuđača, a to je ponuđač: „EMMS“ d.o.o. Jelah- Tešanj, u postupku nabavke **usluge održavanja higijene u objektima Društva, sa** ukupnom vrijednošću od: **249.000,00 KM**, bez PDV-a, odnosno: **291.330,00 KM** sa PDV-om.

II

Izabrani ponuđač nije dužan dostaviti dokaze predviđene članom 45. do 51. Zakona o javnim nabavkama u formi i sadržaju kako je to zahtijevano u tenderskoj dokumentaciji obzirom da je uz ponudu i zahtijevane izjave istovremeno dostavio i tražene dokaze.

III

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

OBRAZLOŽENJE

Na osnovu Odluke o pokretanju postupka javne nabavke usluge održavanja higijene u objektima Društva, broj: U.D-01-3.2-645/18, od 10.01.2018. godine, Komisija imenovana Rješenjem Generalnog direktora je provela otvoreni postupak nabavke usluge održavanja higijene u objektima Društva sa objavljivanjem Obavještenja o nabavci na Portalu JN, broj: 238-1-2-122-3-20/18, od 05.02.2018. godine.

Na javnom otvaranju ponuda, koje je održano dana 05.03. 2018. godine, konstatovano je da su ukupno pristigle dvije blagovremene, neoštećene, uredno zapakovane i zapečaćene ponude. Prema vremenu prispeća to su ponude slijedećih grupa ponuđača:

1. „ATALIAN GLOBAL SERVICES BiH“ d.o.o. Sarajevo
2. „EMMS“ d.o.o. Jelah- Tešanj

Otvaranje ponuda od strane Komisije za nabavku, kome nije prisustvovao nijedan ponuđač, održano je dana 05.03.2018. godine sa početkom u 10.¹⁵ minuta, što je zapisnički konstatovano. Ponuđačima je Zapisnik sa otvaranja ponuda dostavljen putem fax-a, neposredno nakon otvaranja ponuda (o čemu ugovorni organ ima potvrdu o uručenju).

Komisija je 06.03.2018. godine, pristupila verifikaciji i ocjeni naprijed navedenih blagovremeno pristiglih ponuda, te je konstatovano slijedeće:

1. Ponuda **ponuđača, „ATALIAN GLOBAL SERVICES BiH“ d.o.o. Sarajevo**, ukupnom iznosu od 246.000,00 KM bez PDV-a, ne ispunjava uslove propisane tačkama 7.3.1. pod c), a to je: c) Da ponuđač ima u svom vlasništvu ili u zakupu minimalno jedno vozilo sa korpom za rad na visini, sa certifikatom;

i 7.3.2 pod c) na način kako je to zahtijevano u tenderskoj dokumentaciji , a to je:



"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Opcinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba

GENERALNA DIREKCIJA

c) uslov iz tačke 7.3.1. pod c) dokazuje se važećom kopijom potvrde o registraciji u vlasništvu, odnosno ugovora o zakupu vozila sa korpom za rad na visini i certifikatom sa upotrebnom dozvolom na bosanskom jeziku za predmetno vozilo.

Umjesto traženih uslova, kako jegore navedeno, ponuđač je u ponudi dostavio Ugovor o poslovnoj saradnji, koji se odnosi na pranje fasada, a ne na iznajmljivanje vozila (na stranama 35 i 36) i upotrebnu dozvolu na strani 38, koja glasi na drugu ugovornu stranu iz navedenog ugovora.

Obzirom na sve navedeno, dostavljeni Ugovor na stranama 35 i 36 Ponude, kao i upotrebna dozvola na strani 38., ne zadovoljavaju uslove propisane tačkama 7.3.1. pod c) i 7.3.2. pod c), te je ponuda ocijenjena **neprihvatljivom**.

2. Ponuda **ponuđača**, „EMMS“ d.o.o. Jelah- Tešanj, u ukupnom iznosu od **249.000,00 KM bez PDV-a**, ispunjava pravne, ekonomske i tehničke uslove utvrđene tenderskom dokumentacijom, te je ista ocijenjena **prihvatljivom**.

Na osnovu navedenog činjeničnog stanja, rang lista ponuđača koji su ispunili kvalifikacione uslove je slijedeća:

Red. broj	Naziv ponuđača	Ukupna cijena ponude bez PDV-a (KM)
1.	„EMMS“ d.o.o. Jelah- Tešanj	249.000,00 KM KM

Obzirom da ponuda ponuđača „EMMS“ d.o.o. Jelah - Tešanj, u potpunosti odgovara traženim tehničkim zahtjevima ugovornog organa tj. da ovaj ponuđač ispunjava sve formalno-pravne, tehničke i ekonomske uslove tj. zahtjeve ugovornog organa, odnosno da njihova ponuda prihvatljiva za ugovorni organ, data je preporuka ugovornom organu da se u postupku nabavke **usluge održavanja higijene u objektima Društva**, kao najpovoljnijem ponuđaču, koji je ponudio najnižu prihvatljivu ponudu koja iznosi **249.000,00 KM**, bez PDV-a, **odnosno: 291.330,00 KM** sa PDV-om.

Cijeneći navedeno, donesena je Odluka kao u dispozitivu.

PRAVNA POUKA:

Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu Ugovornom organu u roku od 10 dana po prijemu odluke o izboru shodno članu 99. i članu 101. Zakona o javnim nabavkama.


GENERALNI DIREKTOR
mr. sci. Mirsad Mujić**Dostaviti:**

- Naslovu
- Nosiocu posla (Službi za pravne, kadrovske i opće poslove)
- Sektoru za EKF
- Marketingu (za objavu)
- Odjeljenju za javne nabavke
- a/a



"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Općinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

 1312

www.posta.ba